

## ხელშეკრულება №89

“10” დეკემბერი 2015 წ.

ქ.თბილისი

### 1. ხელშეკრულების მხარეების ზუსტი დასახელება და რეკვიზიტები

1.1. “სახელმწიფო შესყიდვების შესახებ” საქართველოს კანონის მე-3 მუხლის პირველი პუნქტის “ს1” ქვეპუნქტისა და 2015 წლის 17 აგვისტოს სახელმწიფო შესყიდვების სააგენტოს თავმჯდომარის №13 ბრძანების მე-2 მუხლის “ა” პუნქტის თანახმად, ერთი მხრივ (შემდგომში შემსყიდველი) გორის, კასპის, ქარელის, ხაშურის მუნიციპალიტეტებსა და ქალაქ გორის მუნიციპალიტეტში სახელმწიფო რწმუნებულის-გუბერნატორის ადმინისტრაცია (მისამართი: ქ.გორი, სტალინის გამზირი №16) სახელმწიფო რწმუნებულის-გუბერნატორის ზურაბ რუსიშვილის სახით და მეორე მხრივ (შემდგომში მიმწოდებელი/შემსრულებელი) შპს „ზუმერი ჯორჯია“ (მისამართი: ქ.თბილისი, ცაბაძის ქ. №8) მისი გენერალური დირექტორის ლევან გაფრინდაშვილის სახით, ურთიერთშეთანხმების საფუძველზე ვდებთ წინამდებარე ხელშეკრულებას შემდეგზე:

### 2. ხელშეკრულების საგანი

2.1. ოპტიკური ხელსაწყოების (CPV38600000) შესყიდვა, კერძოდ 2 (ორი) ცალი ფოტოაპარატი (CPV3865100).

### 3. ხელშეკრულების ჯამური ღირებულება

3.1. ხელშეკრულების ჯამური ღირებულება განისაზღვრება 848 (რვაასორმოცდარვა) ლარით.

3.2. ერთი ცალი ფოტოაპარატის “Canon SX410 IS” - ის ღირებულება შეადგენს 419 ლარს.

3.3. ერთი ცალი ფოტოაპარატის “Canon SX170 IS”- ის ღირებულება შეადგენს 429 ლარს.

### 4. სამუშაოს შესრულების ეტაპობრივი ვადები

4.1. მიმწოდებელი ვალდებულია უზრუნველყოს შესყიდვის ობიექტის მიწოდება 2015 წლის 10 დეკემბრიდან 2015 წლის 15 დეკემბრამდე, შემდეგ მისამართზე: ქ.თბილისი, ცაბაძის ქ.№8.

### 5. მიღება ჩაბარების წესი

5.1 შესყიდვის ობიექტი ან მისი ნაწილი ჩაითვლება მიღებულად მხოლოდ მიღება-ჩაბარების აქტის გაფორმების შემდეგ.

5.2 შესყიდვის ობიექტის (მისი ნაწილის) მიღების და/ან საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი (შეცვალოს ახლით).

5.3 შემსყიდველი ვალდებულია ოპერატიულად, წერილობითი სახით, აცნობოს მიმწოდებელს საბოლოო შემოწმების შედეგები, დაწუნებული შესყიდვების ობიექტის წუნდების მიზეზების მითითებით.

## 6. შესყიდვის ობიექტის ხარისხი და გარანტია

- 6.1. შესყიდვის ობიექტი უნდა იყოს მაღალი ხარისხის და შეესაბამებოდეს დადგენილ სტანდარტებს.
- 6.2 ხელშეკრულებით განსაზღვრულ საქონელზე გარანტია ვრცელდება მიღება-ჩაბარების აქტის გაფორმებიდან 1 (ერთი) წლის განმავლობაში.

## 7. ანგარიშსწორების ფორმა, გრაფიკი და ვადები

- 7.1 ანგარიშსწორება მოხდება უნაღდო ანგარიშსწორების წესით.
- 7.2 შემსყიდველი ვალდებულია მოახდინოს თანხის გადარიცხვა მიღება-ჩაბარების აქტისა და/ან ანგარიშ-ფაქტურის წარმოდგენიდან 5 სამუშაო დღის განმავლობაში, მოწოდებული საქონლის საერთო ღირებულების შესაბამისად.

## 8. მხარეთა უფლება-მოვალეობანი

- 8.1. მიმწოდებელი იღებს ვალდებულებას მიაწოდოს შემსყიდველს მის მიერ მოთხოვნილი შესყიდვის ობიექტი ხელშეკრულების პირობების შესაბამისად.
- 8.2. შემსყიდველი იღებს ვალდებულებას აუნაზღაუროს მიმწოდებელს ფაქტობრივად მიწოდებული საქონლის საფასური ხელშეკრულების პირობებში ასახულ ვადებში და ფორმით.

## 9. მხარეთა პასუხისმგებლობა ხელშეკრულების პირობების დარღვევისათვის

- 9.1 შემსყიდველი უფლებამოსილია შემოტანილი საქონლის მოწოდების ვადის გადაცილების შემთხვევაში დააკისროს მიმწოდებელს პირგასამტეხლო ყოველ გადაცილებულ დღეზე დროულად მოუწოდებელი საქონლის ღირებულების 1%-ის ოდენობით.
- 9.2 გადახდის ვადის გადაცილების შემთხვევაში მიმწოდებელი უფლებამოსილია დააკისროს შემსყიდველს პირგასამტეხლო ყოველ გადაცილებულ დღეზე გადაუხდელი თანხის 1%-ის ოდენობით.
- 9.3 იმ შემთხვევაში თუ ვადების გადაცდენისათვის დაკისრებული პირგასამტეხლოს ჯამური ოდენობა გადააჭარბებს ხელშეკრულების ღირებულების 5 (ხუთ) პროცენტს, შემსყიდველს ან მიმწოდებელს უფლება აქვთ შეწყვიტონ ხელშეკრულება.
- 9.4 ხელშეკრულებით ნაკისრი ვალდებულებების არშესრულება ან/და არაჯეროვნად შესრულება განიხილება, როგორც ხელშეკრულების მოშლის საფუძველი.
- 9.5. ხელშეკრულებით ნაკისრი ვალდებულების შეუსრულებლობის ან არაჯეროვნად შესრულების შედეგად მიყენებული ზარალისათვის მხარეები ერთმანეთის წინაშე პასუხს აგებენ საქართველოს კანონმდებლობის შესაბამისად.

## 10. ფორს-მაჟორი

10.1 მხარეები არ არიან პასუხისმგებელი თავიანთი ვალდებულებების სრულ ან ნაწილობრივ შეუსრულებლობაზე, თუ ეს შეუსრულებლობა გამოწვევულ იქნა ომით ან სტიქიური მოვლენებით, ეპიდემიით, კარანტინით, საბიუჯეტო ასიგნებების მკვეთრი შემცირებით და სხვა დაუძლეველი ძალით. თუ ისინი უშუალო ზემოქმედებას ახდენენ ხელშეკრულების შესრულებაზე, ხელშეკრულების შესრულების ვადა გადაიწევეს შესაბამისი დროით (გარდა საბიუჯეტო ასიგნებების მკვეთრი შემცირებისას) გარემოებათა დასრულების შემდეგ.

10.2. თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გაგრძელდა ერთ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის უფლების მოთხოვნის გარეშე.

### 11. ხელშეკრულების მოქმედების ვადა

ხელშეკრულება ძალაშია 2015 წლის 10 დეკემბრიდან 2016 წლის 16 იანვრამდე.

### 12. დავების გადაწყვეტის წესი

12.1 შემსყიდველმა და მიმწოდებელმა ყველა ღონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა გარემოების ირგვლივ.

12.2. თუ ასეთი მოლაპარაკების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს სასამართლოს.

### 13. ხელშეკრულების ინსპექტირების პირობები

13.1. შემსყიდველს ან მის წარმომადგენლებს უფლება აქვთ განახორციელონ ტექნიკური კონტროლი და/ან გამოსცადონ შესყიდვის ობიექტი, რათა დარწმუნდნენ მათ შესაბამისობაში ხელშეკრულებით გათვალისწინებულ ტექნიკურ პირობებთან.

13.2. შემსრულებელი ვალდებულია საკუთარი ხარჯებით აღმოფხვრას კონტროლის (ინსპექტირების) შედეგად გამოვლენილი ყველა დეფექტი ან ნაკლი.

13.3. ხელშეკრულების პირობების შესრულების კონტროლს განახორციელებს გიორგი იაკობაშვილი – გორის, კასპის, ქარელის, ხაშურის მუნიციპალიტეტებსა და ქალაქ გორის მუნიციპალიტეტში სახელმწიფო რწმუნებულის–გუბერნატორის ადმინისტრაციაში სახელმწიფო რწმუნებულის–გუბერნატორის აპარტის უფროსი სპეციალისტი, ხოლო მიღება-ჩაბარების აქტის გაფორმებას განახორციელებს მამუკა მამუკაშვილი – გორის, კასპის, ქარელის, ხაშურის მუნიციპალიტეტებსა და ქალაქ გორის მუნიციპალიტეტში სახელმწიფო რწმუნებულის–გუბერნატორის ადმინისტრაციაში სახელმწიფო რწმუნებულის–გუბერნატორის აპარტის უფროსი სპეციალისტი.

13.4. ამ მუხლის არცერთი პუნქტი არ ათავისუფლებს შემსრულებელს მოცემული ხელშეკრულების გარანტიისა ან სხვა ვალდებულებებისაგან.

## 14. ხელშეკრულებაში ცვლილებების შეტანა

14.1. არავითარი გადახრა ან ცვლილება ხელშეკრულების პირობებში არ დაიშვება ორივე მხარის მიერ ხელმოწერილი წერილობითი შესწორების გარდა.

14.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილების შეტანის ინიციატორი ვალდებულია გამართოს მოლაპარაკებები მეორე მხარესთან შესაბამისი ინფორმაციის შესახებ ან წერილობით აცნობოს მოსალოდნელი ცვლილებების შესახებ.

14.3. ნებისმიერი ცვლილება რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს კანონმდებლობით გათვალისწინებული შემთხვევებისა.

14.4. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

14.5 ხელშეკრულება შედგენილია ქართულ ენაზე, ორი თანაბარი იურიდიული ძალის მქონე ეგზემპლარად და ინახება ხელმოწერ მხარეებთან.

ყოველივე ზემოაღნიშნულის დასტურად მხარეებმა გააფორმეს წინამდებარე ხელშეკრულება, საქართველოს კანონმდებლობის შესაბამისად, ამ დოკუმენტის თავში მითითებულ დღესა და წელს.

შემსყიდველი: გორის, კასპის, ქარელის, ხაშურის მუნიციპალიტეტებსა და ქალაქ გორის მუნიციპალიტეტში სახელმწიფო რწმუნებული-გუბერნატორის ადმინისტრაცია.  
რწმუნებული-გუბერნატორი ზურაბ რუსიშვილი  
(შემსყიდველის სახელი, გვარი, თანამდებობა)



საბანკო რეკვიზიტები

შემსყიდველის ბანკი: საქართველოს სახელმწიფო ხაზინა  
კოდი: TRESGE22

ანგარიშსწორების ანგარიში: GE24NB0330100200165022

საინდეტიფიკაციო კოდი: 217889514

მიმწოდებელი: შპს „ზუმერი ჯორჯია“

გენერალური დირექტორი ლევან გაფრინდაშვილი  
(მიმწოდებლის სახელი, გვარი, თანამდებობა)



საბანკო რეკვიზიტები

მიმწოდებლის ბანკი: სს „ბანკი რესპუბლიკა“

კოდი: REPLGE22

ანგარიშსწორების ანგარიში: №GE76BR0000010835455928

საიდენტიფიკაციო კოდი: 202462717

ინტერესთა კონფლიქტის თავიდან აცილების პირობები

ქ.თბილისი

10 დეკემბერი 2015 წ.

ჩვენ, ქვემოთ ხელის მომწერი ვადასტურებთ, გორის, კასპის, ქარელის, ხაშურის მუნიციპალიტეტებსა და ქალაქ გორის მუნიციპალიტეტში სახელმწიფო რწმუნებულის-გუბერნატორის ადმინისტრაციის მიერ ოპტიკური ხელსაწყოების სახელმწიფო შესყიდვისთვის, გამარტივებული შესყიდვის საშუალებით გასაფორმებელ ხელშეკრულებაში, ჩვენი მონაწილეობა არ ეწინააღმდეგება "სახელმწიფო შესყიდვების შესახებ" საქართველოს კანონის მე-8 მუხლის პირველი პუნქტით გათვალისწინებულ მოთხოვნებს.

გორის, კასპის, ქარელის, ხაშურის მუნიციპალიტეტებსა და ქალაქ გორის მუნიციპალიტეტში სახელმწიფო რწმუნებულის-გუბერნატორი


ზურაბ რუსიშვილი



შესყიდვების კოორდინატორი

გორის, კასპის, ქარელის, ხაშურის მუნიციპალიტეტებსა და ქალაქ გორის მუნიციპალიტეტში სახელმწიფო რწმუნებულის-გუბერნატორის ადმინისტრაციის აპარატის უფროსი სპეციალისტი

გიორგი იაკობაშვილი



მატერიალურ-ტექნიკურ ქონებაზე პასუხისმგებელი პირი

გორის, კასპის, ქარელის, ხაშურის მუნიციპალიტეტებსა და ქალაქ გორის მუნიციპალიტეტში სახელმწიფო რწმუნებულის-გუბერნატორის ადმინისტრაციის აპარატის უფროსი სპეციალისტი

მამუკა მამუკაშვილი

